

# FILIPO COMÍNIMO SAN PABLO ORÉCABE

## La Carta del Apóstol San Pablo a los Filipenses

---

**Filípomo ite Jesumo ínotinomo Pablo llavéracomona cuete**

**1** <sup>1</sup>Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuemo ite Juzíñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziena jaináidiomoi. <sup>2</sup>Cai Moo Juzíñamui ñue ézicigafuemo omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

**Pablo Jesumo ínotinori Juzíñamuimo comécido úrite**

<sup>3</sup>Naga ómoimo cue úibicaifirenaruido, cai Moo Juzíñamuina: “fere figura” daiífiredicue. <sup>4</sup>Juzíñamuimo comécido cue úriadi, jaca nana ómoiri caimare jicáfiredicue. <sup>5</sup>Mei fueñe tainéinaruimona ua biruimo Juzíñamui ñúefuedo dáafuemo naa ómoiri táijifiredicaiza. Afena figura daiífiredicue. <sup>6</sup>Juzíñamui nauti omoi comécimo ñúefuena déitate. Afe ñúefuena déitallifue tainédimie ua Jesucristo billíruimo fáicanocaiñeno déitaoicaite. Afefue taino daiñideza onódicue. <sup>7</sup>Mei ómoina iere izíruillano nana ómoiri daí comeci cue fácafue iere jaícina jóide. Afe izói daje cuemo iga ézicigafue, jeire otómoí. Llavécamedicue íadi, omoi cúeoiri jeire oga ézicigafue, ñúefue cue llujillena canode. Iemona cai jilloillifueña comínimo uáfueña ñue fidítaticue. Daje izói bífueña iere nahífueña daiítaticue. Afe izói bie ñúefuena uáitaacadino uíecomo daa bífuedo cai jilloillifuedo jaícina ñue úriticue. <sup>8</sup>Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue

onode. <sup>9</sup>Juzíñamuimo comécido cue úrillado ómoiena jicádícue. Dani conímána aillo jamánomo izíruillana jicádícue. Daje izói nana ñue fibíllafue abina omoi onóillífue diga, jicáfiredícue. Ua daíí ómoiena jicádícue, ñúefuiai omoi níziana omoi fibíllena. <sup>10</sup>Afe bifue jeire omoi óiadi, omoi comeci ifue íainite. Daje izói Cristo billíruimo nífuenidinona íitiomoi. <sup>11</sup>Daíí Jesucristo omoi illáfueña mámeite. Ua ría llizilla jofu úaina izói, ómoína mámeite. Ua aillo ñue finócafuiai omoi illáfueño Jesucristo mámeite. Afedo Juzíñamuimo ñúefue ebíredífue diga nítaitiomoi.

### **Cristo jítainafue cue fínuamona cue comeci ifue ráífide**

<sup>12</sup>Amatai, omoi cácarei, cuemo zúidífuiaina omoi fidítaitícue. Aféfuiai Juzíñamui caí jílloallíuai jino llúana nahí uáfueña canode. <sup>13</sup>Benomo cue llavéinamona, nana nahíllaíma jofu abi úíñoraini, ñúefuedo cue llavéinana onódiaíoi; ua Cristo ñúefue jeire cue úamona ja llavécamedícueza, áfena nana onódiaíoi. <sup>14</sup>Llavécacueña íaíoi ciónamona, ja nana ínote ámatiaimona nabémaci iere náicaidiaíoi, Juzíñamui uai jino llóllena. Ua meáiruñeno uáfori jino llotíaíoi. Daje izói cue llavéinamona caí Ocuíraímamo jamánomo ínotiaíoi.

<sup>15</sup>Uáfueña dámíerie cuemo úradoillano Crístodo úritiaíoi. Afémaci énenoruillano cue baímo jamánomoidímiena íacadiaíoi; mei íadi jíaimíai comeci ñúefuedo jino llotíaíoi. <sup>16</sup>Dáarie dani íaíoi comeci óiacanafuíaido Crístona jíáífo úritiaíoi. Cue llavébillafue baímo jamánomo raamo cuena jííritaíacadiaíoi. <sup>17</sup>Mei jíáímaci cuena izíruillano Juzíñamui ñúefue jino llotíaíoi, mei nai benó llavéracomo cue íllana onódiaíoi. Ua Juzíñamui jíllloillíuai cue uáitañena jira llavécacueña onódiaíoi. <sup>18</sup>Mei íadi ícúemona níbai? Dáarie jácína Crístodo úritiaíoi; jíáímaci Crístodo jííreioicana úritiaíoi. Mei daje ábíedo Crístodo íaíoi úriadi, cuena jaca íóbitade.

Afe cue íóbillana baímo jamánomo nai íóbioicaitícue. <sup>19</sup>Mei nana bífuiaimona nífuenino záitícueza onódícue. Ua cueri Juzíñamuimo comécido omoi úrillado ñue jíllloítícue. Daje izói Jesucristo Joreño cue cánuado ñue jino jáitícue. <sup>20</sup>Jesucristodo meáiruñeno cue úrillana cue comeci jítailafue. Afe daje bífueño iere ocuírídícue. Birui cue illáfuedo jíáímaci Crístomo aillo ñúefue nitádiaíoi. Afe bie nita baímo, nai jamánomo íaíoi nitállena jítaídícue. Níbai cáaitícue, níbai táitícue dama mei áfena lloñédícue. Dama Jesucristomo ñúefuiaina nita daidícue. <sup>21</sup>Nai tíñeno cue jáicaiadi, Cristo comeci jítainafue cue fínuana jamánomo naga raa baímo gáidícue. Iemona nai cue cáanafue ñuera; íemo jíái cue tílle jamánomo baímo ñuera. <sup>22</sup>Mei íadi bie cue abído nai cue caana llezica, caí Ocuíraíma comeci jítainafue bíñiemo jino denóllena táííífireitícue. Meita bie mena cuemo itífuemona nífue nízedana

óiticueza onóñedicue. <sup>23</sup>Nai feire jánaideza, bie ménafuedemona nífue óiticue. Aféfuena ñue cue onoille féirede. Mei jáífodo caifo Cristo diné cue jáillena tíacadicue; bie izóidífue cúemona jamánomo ñuera. <sup>24</sup>Mei íadi jáíie izóí omoí cígido bie caana abido cue jáicallena, ómoiena iere jitáirede. <sup>25</sup>Mei daa bífuena jáicina onódicue; omoí diga nai cue ícaillena ñue onódicue. Omoí diga cue íllena jitáirede, omoí ñue ínogafue nágarui jeire omoí cue otátallena. Ua ómoiri cue illa jitáirede, jae jeire omoí ua izóí afe baimo jeire omoí óllena. Daje izóí omoí ñue ínogafuedo omoí íóbiocaillena, omoí cígiri cue ícaillena nai jitáirede. <sup>26</sup>Mei daíí nana omoí cígiri íitícue. Afe uire cue bílledo Jesucrístona jamánomo aillo íóbitaitiomoi.

<sup>27</sup>Cristo ñúefuiai úbicaillano, afe izóí nágarui omoí illafue ñue jáicina jóoneri. Nibai omoí cue éroizaiadi bifue jeire omoí úamona, omoí illa ñúefuena fidíacadicue. Daje izóí ómoimona jica itícue íadi, daje omoí illa ñúefuena onóiacadicue. Afe bie izoide ñúefuena fidíacadicue: dáaziena caimare omoí jaináíllana onóiacadicue. Daje izóí jíllloilliuaimona lloga ínogauaimo izire omoí níciduana fidíacadicue. <sup>28</sup>Daje izóí omoí bacáuai ímiiaína due omoí jáicaiñenana cuemo omoí lloiri, daidícue. Afe omoí jáicaiñenafue, niné íaioí táinocaillífueña uáfodo jino llotátate. Mei íadi daje llezica omoí jíllloillífueña uáfodo jino llote. Bie omoí onóitainafue Juzíñamui dibénemona bite. <sup>29</sup>Mena rafue Juzíñamui ómoimo mamede. Nánorafue daide:

Cristo uaina iere jeire órediomoiza.

Nane jáífue daide:

Cristo ñúefue jeire omoí ua méífomo, afémie ícoiri duere zefuífirediomoi.

<sup>30</sup>Cue naa ómoiri daje fuirilla izóidífueño itícai. Naui cue fuirídimie izóí íllana ciódiomoi. Ja birui fuirídimie izóí, nai cue jáicana ráfuena onódiomoiza.

**Cristo jamánomo uáitagamiéna jaide ie méífomo  
Juzíñamui jamánomo ñue ébífue íemo nitade**

**2** <sup>1</sup>Ja birui Cristo ómoína náicaitarede. Afémie ómoína izíruillano, comeci zúurenaimona omoí comécina cáimacaitarede. Ie Ñuera Joreño omoí diga ite. Conímana izíruillafue dúecaillafue diga afe dibénemo itíomoi. Nana bífuiaína omoí onónamona, mai cue omoí íóbitari. <sup>2</sup>Ua caimare ñue omoí illífuédo cuena íóbitari. Afe izóí daje izíruillafueño omoí jaináinamona cuena íóbitari. Afe mei dájemo comeci jitáinafue jeire omoí úado cuena omoí íóbitari. Afe emódomo dáafueño omoí comécinado cuena omoí cáimacaitari. <sup>3</sup>Dani omoí comeci jitaila izóí mamériño iri. Fia abi ínuafueño nífueña lloño iri. Mei íadi comeci mánainafueño omoí mamériri. Omoimona illa dígamierie omoí

aino cómena o baïmo comécina ñuera, omoi daiífireiri. <sup>4</sup>Dani omoi ñue illáfueña jenóñeno iri. Mei íadi nana jíáimaci ñue illáfueña omoi jenori.

<sup>5</sup>Cristo Jesús comeci mámia izói, dájemo comeci omoi mameri. <sup>6</sup>Nano fueñe ie illa llezica afémie daa Juzíñamui izoide. Juzíñamui izói ie illa ríino afémiemo ite. Mei íadi ie fiénocaiga ríinona “Raire meine cue olli” daiíñede. <sup>7</sup>Mei íadi afémie Juzíñamui izoina llezica afe íemo ite ríinona oni eneno fiénocaide. Fiénocaillanona jiba iima jéicia izói Cristo jéiciga. Daií ie jéiciinamona fia jamai táijitagamie bie éniedo jáicana izói jáicade. <sup>8</sup>Jamai cómena ie illa llezica jamánomo comécina mánaidimiena abí mamede. Daií mámiano ie Moo Juzíñamui daináuai jeire uano dama tíizaide. Ua aillo meáire cruzmo tíizaide. <sup>9</sup>Ie jira Juzíñamui jamánomo aillo ñúefue íemo nitade. Ua áfemona nana jíáie mámeciai baïmo jalléidicina Juzíñamui íemo jítade. <sup>10</sup>Daií bie mámecina Juzíñamui íemo jítade, nana comini ie anamo dújuillena. Ua afe Jesús dainácina íaioi cacánamona nana monamo itñuiai, bie éniemo itñuiai, daje izói énie anamo itñuiai cañícido ie anamo dújuitiaioi. <sup>11</sup>Daií dújuillano nana comini comécido íena ónuano, Jesucrístona nahí Ocufráimana dáititiaioi. Daií dáinado Moo Juzíñamuimo ñúefue nítaitiaioi.

### **Crístomo jaináidino bínie egáíñotino izóidiaioi**

<sup>12</sup>Mei jira, cue izíruiga ámatiai, nauí omoi cígiri cue illa llezica jaca ómoïmo cue llogáuaina jeire otfomoi. Ja birui ómoïmona jica itícuemo, nauí omoi úana izói, afe baïmo aillo jeire omoi óri. Dani omoi jllonafuemo comécina mánaidimie izói jacfruiocana áfemo omoi comécioiri. Aféfuena nana comínimo ñue jino omoi denóicairi. <sup>13</sup>Mei Juzíñamui afe ñuera comeci óiacanafuiai ómoïmo fecádimie. Afémie dama ie comeci ñue jítainafuedo ómoïna canófirede, omoi comeci ñue óiacanafuiai jino denóllena.

<sup>14</sup>Bífuiiai jino omoi denolle llezica nana omoi jetácafuiai fiëni úriñeno omoi finori. Daje izói áfena júfidoñeno omoi finori. <sup>15</sup>Iemona bie izói omoi iri ninena jíáimaci ómoïmo íaifue jóoneñeillena. Daií nífuenino omoi iri, áfemona íaifuenidinona omoi ílleza. Mei daií omoi íllamona, comécina íaifueño féitate figóñede comini cígiri, Juzíñamui úruiaïna mamélliomoïza. Iaioi cígiri, ucudu caifona bie jítirede énie egáíñua izói, ie izói comini comeci jítirenana egáíñoitioïmoï. <sup>16</sup>Afe egáíñuado zíñona cáataite uai íaioïmo jino llóitioïmoï. Daií Cristo billfruiimo ómoïri meáIdaiñeno caïmare abí ínoiticue. Daje izói omoi ñue illáfuedo nauí ómoïri iere cue táijinafue táinomo jífanofiñenana onódicue. <sup>17</sup>Nauí ñúefuena omoi ínuaruimo dani omoi illáfueña Juzíñamuimo llotioïmoï. Birui nai omoi ínogafue ñue jácina cue jóoniamona, nibai benó cue tíadi, áferi cáïmacaiticue. Afe llezica omoi cánuaibiga íobillafueri íobidicue. <sup>18</sup>Daje izói caïmare omoi iri; cue cáïmacailla dibéfuemo jeire omoi óri.

### Timoteo Epafrodito diga Filipos comínimo oréillifue

<sup>19</sup>Cai Ocuíraima Jesús comeci óiacania, Timotéona omoi eróizaitaiticue. Omoi illafue afémie abido cuemo lluíbiadi, iere áferi cáimacaiticue. <sup>20</sup>Cue comeci faca izói, comeci facade jíáie cómena ñede. Dama Timoteo cue izói comeci úrilla. Dama afémie omoi ñue illífuemo uáfueña comeci facáoifirede. <sup>21</sup>Nana jíáimaci dani íaioi comeci jítainafue jenódiaioi. Cristo Jesús dibéfuena lloñediaioi. <sup>22</sup>Afémie cuemo ráifinafuena náganuiaimo jino ciótagaza onódiomoi. Ñúfue jino cue llócaillado afémie cue diga, jitó izói jáicaide. Ua moo ie jitó diga táijicana izói cue diga táijicaide. <sup>23</sup>Cuemo ite itífuiai jino déillana ñue cue onóadi, bie Timotéona omoi méiñOtaacadicue. <sup>24</sup>Cai Ocuíraima ñue ínoticue. Iemona nibai ómoína raire dama eróizaibiticue.

<sup>25</sup>Daje izói cúemona uáfodo jóideza, cue ama Epafrodito omoi cígimo jáirena. Afémie cue táijinana nabáifiredimie. Daje izói fuirilla izói cue llócaigafue nabáifiredimie. Mei íadi nauí cue jitaica raamo táijillena omoi cuemo orécamié, abido ómoimo orédicue. <sup>26</sup>Mei afémie nana ómoína izire cióacade. Ie irárenana omoi fidínamona afémie comeci iere járitaide. <sup>27</sup>Uáfueña iere irárede; tíllanomo figo dúcide. Mei íadi Juzíñamui íemo dúcaillano íena jíllotate. Dama afémiemo dúcaíñedeza; mei jíái daje izói cuemo dúcaide. Ua Juzíñamui cuemo dúcaide, cuemo ite zúufuiai baímo jíáie aillo comeci zúufuiai cuemo bíñeillena. <sup>28</sup>Iemona íena iere oréacadicue, raire afémiemo omoi érocaillano iere omoi ióbicaillena, cue zúucaillafue raire niné féilleza. <sup>29</sup>Bie Epafrodítóna mai jamánomo caimare omoi uáidori, Juzíñamuimo izire jainaide ámaza. Nana ie illa izóidimíiai caimare jacíruioicana íaioimo mai omoi cacáreiri. <sup>30</sup>Ua afémie Crístomo táijinafuendo tíllanomo figo dúcide. Dama ie cáanafue jacíredifuemo afémie jónete cuena canóllena. Ua omoi bíninamona afémie cue cánuaíbillena iere jamánomo nícidote.

### Uáfueña Juzíñamui ióbilla cai ñue jaícina illafue

**3** <sup>1</sup>Cue ámatiai, mai cai Ocuíraima omoi ióbioicairi. Cue cuezafue meine ómoimo cue lolle cuena áifedua izói íñeite, mei íadi ómoína iere ñue canode. <sup>2</sup>Íáiruiga jiba jico izói fiénidifuemo itímacimona abí omoi rairuiri. Omoi bacano ícoi quetátáfirediaioi. <sup>3</sup>Cai bie ua quetácamacinaza. Cai bie cai joréñodo Juzíñamui ióbillamacidicai. Fia jínofenemo cioide raana íñoñedicai. Cristo Jesús íeiena cai íllari caimátaidinodicai. <sup>4</sup>Bífuiaimo aillo cue ínnoiegafuiai ite íadi, áfena lloñédicue. Cue baímo buna aféfuiaimo ínonide. <sup>5</sup>Cue jocóinamona ocho dígarui íllamona cue bacano ícoi quetádiaioi, mei nahí israelita nairai ímiedicueza. Cue bie Benjamín izíemo jaináidimiedicue. Cue jocóinanomona hebreo ímiedicue. Ua hebreo ímie jitódicue. Judúuai

ocuífafue jino cue dobáinuamona cue bie fariséodicue. <sup>6</sup>Jacire ocuíoídimie izói Crístomo jaináidino fállena íaioina racádicue. Judúuai ocuífafuemo lloga ñue jácina illafue dibéfuemo, jaca náfuenidimiedicue. Bu úaitañegamiedicue. <sup>7</sup>Mei íadi nana bie nauí cúemona aillo ráifidifuiaina, ja biruí aféfuíaina Cristo ícoínia náfueñedicue. Ua aféfuíaina jamai ráifñedifuiái izói áfemo coméciidicue. <sup>8</sup>Afe baimo aillo jíáifuemo coméciidicue. Cue Ocuíraima Jesucrístona cue onóillifue, nana cuemo itífuiái baimo aillo ráifide. Iemona cuemo itífuiaina féitaticue. Cristo ícoínia naga cuemo itífuiaina cue féitaga. Ua aféfuíaina oni dotáacaiga raa izói coméciidicue, afe íbana Cristo cue námatallena. <sup>9</sup>Daje izói cue afémiemo jaináiacadicue. Ocuífafuena cue ínuamona ñue illáfueña llínoticue. Mei íadi afe ñue illáfuedo Crístomo jáinaiñeíticue. Jesumo ínotinomo Juzíñamuí iga nahí ñue illáfuedo Crístomo jáinaiticue. <sup>10</sup>Cue comeci jítainafue Cristo cue onóillena. Daje izói ie tñillanomona meine abido cáatate ríinona, “Cuemo iri,” daidicue. Afémie duere zefuilla izói duere zefuífadicue. Afe daí ie tñillaruímo ie illa izói ííticue. <sup>11</sup>Afemona tñidinuíái meine cáallífuemo ocufrídicue.

**Cristo fueñe cue ocuilla izói cue jáillena,  
fuirilla izói izire nícidocana uiticue**

<sup>12</sup>Ja nana afe bie mamérillafue oticue daíñedicue. Daje izói comeci jácina ñue jóidimiedicue daíñedicue. Mei íadi Cristo fueñe cue ocuilla izói íacadicue. Ie jira nágaruí aféuaimo nícidocana uiticue, afémie cuena daina izói cue jáillena. <sup>13</sup>Cue ámatíái, bífuíaimo ja dúcidicue dama daíñedicue. Mei cue nahí finóacaigafue jíáfodo jóide. Nauí cue illáfueña féitaticue. Afe llezica nahí como cuemo déoicaíticuemo riire coméciidicue. <sup>14</sup>Aizídino raire mózizailla izóidinomo dúciacadícue. Juzíñamuimona fia jíridolle raa izoide cue llínuaiñbillena, Juzíñamuí monámoma cuena uáidote. Crístomo cue jáinainamona afe jíridolle raana máíñoíticue.

<sup>15</sup>Cáimona nana ínogafuedo ñue móonaitino, mai bie izói cai comécióilli. Jíáfodo omoi coméciíadi, Juzíñamuí áfena ómoina fidítaite. <sup>16</sup>Mei íadi bifue mai cai náfueilli: cai onóigafue izói mai ñue cai illí. Daje izói ñue jácina mai cai comécióilli.

<sup>17</sup>Cue ámatíái, nauí omoi cígiri cue íllana cíóíomoiña, afe izói omoi iri. Omoi mo cue cíotagafue jeire otínomo izire comeci omoi facáoiri. <sup>18</sup>Ja aillo Cristo tñillafueña uáitatino íteza. Iemona díga icaiño afémacido ómoi mo lloticue. Nane zuure éebicaillano dánomo ómoi mo llóíticue. Afémacimona abí omoi rairuíri. <sup>19</sup>Bie izói itino íraírúimo niné táinocaitiaoi. Dani íaioi abí jítainafuiaina daidíaioi:

—Bie cue juzíñamuí, —daidíaioi. Meáirede raana meáiruíñediaoi. Mei íadi áfede abí ínotiaoi. Fia bie énie ífuemo coméciidiaoi. <sup>20</sup>Mei íadi cai

nana caifo mona imácidicai. Cai nana, cai jíllotade Ocuíraima Jesucristo monámona bíllemo úiñoticaí. <sup>21</sup> Cai zíiñoñede abina afémie méiduaibite, afémie ie abi ebire cioina izóí cai íllena. Afémiemo ite rínodo naga raana náamatade. Iemona afe daje íemo ite rínodo cai abi ífuena méidoite.

#### Jaca cai Ocuíraimamo caimátaioicairi

**4** <sup>1</sup> Cue izíruiga ámatiai, mei ómoína iere cióiacadicue. Omoi cue ióbioinamacidiomoi. Iemo cue jirírdolle raa izóidiomoi. Ua cue izíruigamacidiomoiza; mai cai Ocuíraimamo jaícina riire omoi comécioiri.

<sup>2</sup> Evódiana mámeçiredingo íemo Síntique diga, izire jicádicue, dáafuemo ómingo coméciiri. Mei cai Ocuíraimamo jaináinamona ebúñona maméidiomíngoza. <sup>3</sup> Daje izóí jiáimíemo úriticue. O, cue táijinado jaca ñue cuena nabáidío. Ua cue ínoga nábaidío. Jira bie cai miríngotaiaina o canótaiticue. Mei afe íainguai cúeoiri afe jíllona uai cue llócaínado nícidocaidiaínguai. Bíaínguai, Clemente diga naa jiáimieoiri cúeoiri táijicadiaioi. Nana afémaci mámeçi ja Juzínamui zíiñoña illino óitino mámeçi cúeinanícómo cuela.

<sup>4</sup> Nágaruillaído cai Ocuíraimamo mai omoi caimátaioicairi. Nane dáanomo daidícue, mai caimátaioicairi. <sup>5</sup> Omoi comeci mánaina naga cómemo, mai cótaitiomoiza. Cai Ocuíraima billíruimo ánozideza. Cai áinori íteza.

<sup>6</sup> Omoi comeci nífuemo jarítaitañeno iri, mei jiáífodo naga ómoímo comuídifuiaina Juzínamuimo úrilla llezica, afémiemo mai omoi lloiri. Daje izóí omoi jitailla raana jicari. Afe llezica “Íere figora” mai omoi daiífireri. <sup>7</sup> Ie mei Juzínamui comeci caimare uái illafue ómoímo íteza. Bie comeci uái illafue comini onoiga táínofue baimo ñuera. Afe caimare uái illafue omoi comécina ñue ráiruute. Daje izóí omoi comeci jarire úrillafuena ñue manánaitaite. Mei Cristo Jesumo daane jáinaitiomoiza.

#### Ñúefuiaimo comeci omoi facáoiri

<sup>8</sup> Cue ámatiai, íraicaiño omoi llóiticue. Nana nahí uáfuiamo omoi coméciiri. Daje izóí nahí caimare jacíruioigafuiaimo omoi comécioiri. Daje izóí nana jaícina illáfuiamo omoi coméciiri. Afe izóí nana íainidífuiamo omoi coméciiri. Daje izóí nana ióbillafuiaimo omoi coméciiri. Daje izóí nana caimare jalléinafuemo omoi comeci uibíoiri. Nana bie ñúefuiaimo omoi comécioiri. Daje izóí nana ñúefuena nitáfíreganomo afémacimo omoi uibíoiri.

<sup>9</sup> Omoi cue llófuia izóí mai omoi iri; ómoímo cue lloga lletárafuiaimo mai omoi ínori. Cue dáinana omoi cacana izóí, cue finócana omoi ciona izóí, afe izóí mai omoi iri. Iemona comeci caimare uái illafue fecáfírede Juzínamui omoi diga ífíreite.

### Filipo imaci fia fecaca raa Páblomo orédiaioi

<sup>10</sup> Meine nane cuemo omoi coméciillari cai Ocuíraimado iere ióbidicue. “¿Nibái mei cuena féitatiomoi?” ómoína daiíacañedicue. Cue omoi canóacana raa átitimie iñédeza, onódicue. <sup>11</sup> Cue ráaninari ómoína fieni úacañedicue; cuemo ite raari cue ióbillana ja fibídicue. <sup>12</sup> Duere cue íllana fibídicue. Daje izói aillo cue jitaica ráaniai íllana fibídicue. Nífue cuemo comuádi, afe izóidífue cue ocuállana ja fibídicue. Nibai jeíredicue, nibai jufíruiticue; afe izói caimare cue íllana fibídicue. Güiga alla cuemo íadi, mei cuemo iñeniadi daje izói ñuera. <sup>13</sup> Naga cuemo eróicana comuide raana ocuíredicue; mei Cristo cuena ríiduado ocuíredicue. <sup>14</sup> Mei íadi cue dúerena llezica cuemo omoi dúecaillamona, cue omoi cánua ñuera. Diga icaiño duere cue finóinari omoi zúunailla cuena nácaitate.

<sup>15</sup> Omoi Filipos imácidiomoi, daje izói bífuena onódiomoi. Nano fueñe jíllona uai cue llócaína llezica, daade cue canófiredinodiomoi. Ua Macedóniamona oni jíainomo cue jailla llezica daade cue canode Jesumo ínotinodiomoi. Fia fecaca ráaniai cuemo oréfirediomoi. Afemona comínimo cue feca izói, íemo íaioimona cue llínua izói, afe dájemo naa ómoiri táijidinodicaí. <sup>16</sup> Nai Tesalónicomo cue illa llezica, omoi diga ícaiño, fia fecáfireiga ráaniaína cue jítaicaniána cuemo orédiomoi. <sup>17</sup> Fia ráaniaína cue llínoiacanamo coméciñedicue; mei íadi cue comeci jítaillafue, Juzíñamui uícomo ómoimo aillo ii, daidicue. Iemona daií aillo omoi offtaga raana uire maiñóritiomoi. Afemo coméciidicue. <sup>18</sup> Mei nana jae cue llínoga. Afena cue jitaica ráaniai baimo ja llínoticue. Epafrodítodo cuemo omoi oreca ráaniai figo baite. Baimo cue jítaíllena iñede; ja aillo íteza. Cuemo fia omoi oreca ráaniai iere Juzíñamuina ióbitade. Daií cuena omoi cánuado, Juzíñamui comeci jítaina finódiomoi. Aferi Juzíñamui ióbicaillano afémie áfena jeire ote. <sup>19</sup> Cue ínoga Juzíñamui nana omoi jitaica raana ómoimo fécaite, mei nana Cristo Jesús ebire comuítaga ráaniai Juzíñamuimo dúideza. Ie jira íemo aillo ite ráaniai izói, afe izói ómoimo fécaite. <sup>20</sup> Mei ñuera ebíredífue cai Moo Juzíñamuimo jaca íoicaideza. Daiítadeza.

### Iiraicaiño uáidonocaillafue

<sup>21</sup> Cue dibénedo nana Juzíñamuimo jaináidino Jesucristo mámedido omoi uáidori. Cue diga ite cai ámatiaí ómoimo uai orédiaioi. <sup>22</sup> Nana benomo ite Juzíñamuimo jaináidino daje izói uai ómoimo orédiaioi. Romano nahíllaíma jofomo itino iere ómoína izire uáidoiacadiaioi.

<sup>23</sup> Cai Ocuíraíma Jesucristo nana ómoína ñue éziciíteza. Mai daiítadeza; jae niie.